

# Mujh Jaisi Ladki Lyrics

## English

Akeli khoyi khoyi si, woh alhad ladki  
Ishq mein jaagi-soyi si diwaani ladki  
Kanon mein jhumke, chaal mein angdaai  
Ek diwaane se dil lagaayi  
Sab ne kaha paagal ho gayi hai paagal ladki  
Lyricsbogie.com

Ishq mein jaagi-soyi si diwaani ladki  
Naa duniya ki samajh, naa sahi aur galat ka fark  
Ishq ke rang se rang diya apne dil ka warak  
Naa tajurba naa samajhdaari, badi kamsin thi woh  
Toofaan mein kashti utaare, badi maasoom thi woh  
Ishq ki kamaai se ghar-ghar khelti  
Apni dhun mein mast, woh meera si ladki  
Chaand se dil laga kar zameen se wafaayein maangti  
Hawaaon se ladane waali, woh patang si ladki

Jab aankh khuli to thi nahin woh ab bhi wahi chhoti si ladki  
Dil ko hatheli par paros kar dene waali, woh bholi si ladki  
Kahte hain...kuch bhaari sa gujra tha uske naram se seene ke upar se  
Ab zara naaptol kar hansti hai, woh manmauji si ladki  
Haqeeqat darwaaje par dastak de rahi thi  
Bhala palak jhapkaati toh kiske liye, woh sapanon jaisi ladki

Samet kar apni aabroo phir kalam uthaaegi  
Khud apni kahaani likhegi, woh ziddi si ladki  
Purja purja kar jodegi apna seena  
Himmat kar phir dil lagaaegi, woh diler ladki  
lafzon ko dhaal banaakar har makaan paaegi  
Khud hi khud se baaten karne waali, woh kitaabon si ladki  
Teekhi si meethi si woh hirani si ladki  
Aaine mein dekho to mujh jaisi hi woh, mujh jaisi ladki.

More Lyrics from [UnErase Poetry \(2019\)](https://www.lyricsbogie.com/unerase-poetry-2019/)